

Партийн сургъуль даслгънд ик оньг өгхмн

Партийн сургъуль даслгънд цань уга ик оньган тэвдж, марксизм-ленинизм динлгдшго сургъулър коммунист-нриг агслгънд мана коммунистическ парть болн теруна Центральн Комитет оньдин эркн чинр өгнэ.

Партийн сургъуль даслгън зуг теруг дасхин төлэд кедж-ах кōдлмш биш, коммунизмн төлэ кеглдж йовх ноолдана кергт чик гардвр тетгх политическ гардачнр белдхин төлэд кеглдж йовх кōдлмш болджана.

Партийн сургъуль даслгъна кесг зүсн сеть Элст балгъсна партийн организац бурдэгдв. Партийн сургъулин сеть бурдэхлэрн кōдлчирин экономическ медрлинь өбдлүлхд ик оньг өггдсмн. Селанэ эдл-ахун, промышленностин болн хулдгүулганэ тодрха экономик даслгъна семинармуд балгъсна комитетд бурдэгдв.

„Буратинский совхозин, „Страна Советов“ колхозин, облфон болн нань чигн партийн организацсар тодрха экономикин кружокс бурдэгдв.

Экономическ медрл тархалгънд өгчэх оньган сулдхл уга марксизм-ленинизмн ул даслгъна төрт кемджэн уга ик оньган өгхмн гисн Центральн Комитетин зааврас болн некврэс иштэгээр партийн сургъуль даслгъна сеть балгъсна комитет бурдасмн.

КПСС-н ЦК-н тер некврэс иштэгээр, дакал тер мет коммунистирин дур сунгъдж балгъсна партийн организацсар КПСС-н туудж даслгъна 9 кружок, өлгэ цагин политик даслгъна 5 кружок бурдэгдв.

Политэконом, философ болн коммунистическ сургъмдж өглгээр балгъсна комитетд семинармуд бас бурдэгдв.

Кружокс болн семинармуд гардхд сэн белдвртэ пропагандистнр батлгдв, теднэ кесгнь —

Мукаев, Иванова, Матвеев, Джалаев болн нань чигн улс — крайд болсн сара курс төгсгасмн.

Партийн сургъуль цуг сеть-сэр эндрэс авн эклхмн. Октябрь сард цуг кружоксар, семинармудар „Алдр Октябрьск социалистическ революцин дөчдгч джилд“ партин ЦК-н гаргъсн тезисмуд дасгдхмн.

Сентябрин 27-д пропагандистирин, кружоксин болн семинармудин гардачирин семинар балгъсна комитет кев. Эн семинарт „Алдр Октябрьск социалистическ революцин цуг делкэн тууджлгч чинр“ гидг лекц умшгдв.

1958-1959 джилд Хальмг автономн тангъчин олн-амтнэ эдла-хун өслтин туск мероприятсин тускар РСФСР-н Министрмудин Советин тогтавриг пропагандистнрт тодрхагээр цэялгъдж өгв. Октябрин 40-н жилин өбнд гаргъгдсн ЦК-н

тезисмуд ягъдж дасхин тускар бас куундвр кегдв.

Партийн сургъуль даслгън — партийн кōдлмшин эркн чинртэ нег халхнь болджана. Партийн сургъуль даслгъиг бурдэмджтэгээр эклхлэ, цуг партийн организац оньган саянэр энунд өгхлэ — шин джилин партийн сургъуль даслгън саянэр кегдх зөвтэ.

Марксизм-ленинизмн пропаганда оньган эс өглгънлэ болн идеологическ кōдлмшин чинриг күрч эс медүллгънлэ нег мōслдж ноолдх кергтэ гидж партин Центральн Комитет некджэнэ.

Партийн сургъуль даслгъиг коммунистическ тосхлтин кōдлмшлэ залгълдатагээр бурдэлгън — партийн организацсин эркн төрнь болджана.

А. МАРУСЕНКО,
КПСС-н Элст балгъсна
комитетин инструктор.